



Synfocity = 707

mail us at : mzsynfo@gmail.com; mizoramsynod@gmail.com - Phone - 2314648

October 18, 2018

☐ NEICC

Oct. 21, 2018 (Pathianni) zan inkhawmah NEICC puala ʔawngʔai rualna hun hman tur a ni a, NEICC pualin thawhlawm lakkhawm a ni bawk ang.

Kum 1937 khan Assam Christian Council din a ni a, kum 1962-ah North East India Christian Council (NEICC) tiin a hming thlak a ni a. NEICC hnuaiyah hian NEICC Youth Assembly (NEICCYA) leh NEICC Women Assembly (NEICCWA) te, hruaitu hrang neiin an awm a; anmahni pualin mawhphurhna leh hmachhawp an nei bawk. Kum 1952 khan NEICC hian a hmalakna langsar tak, Union Christian College (UCC) chu bul a ʔan a; tunah hian UCC-ah hian Arts, Science leh Commerce zirlai mi 800 chuang an awm a. College hi mipa leh hmeichhe luh theihna (co-educational) a ni a, zirlai eng emaw zat tan hostel a awm bawk. Kum 2016 khan NEICC chuan hma thar lain, UCC campus chungah chuan UCC Higher Secondary School a din leh a. Nursery ʔanga Class XII zirlai hi an vaiin mi 283 an ni a; Higher Secondary-ah hian Arts, Science leh Commerce zirna a awm.

NEICC a din chhan hi - India hmarchhaka kohhran hrang hrang zingah inpumkhatna a awm theih nana hma la tur te, Sawrkar leh Kohhran inkara palai hna thawk tur te leh, hnam hrang hrang inkarah remna leh inhriatthiamna a awm theih nana hma la turtein a ni a. A din chhan ang ngeiin, kohhran inpumkhatna chungchang zir hona leh inrawnkhawmna te a huaihawt ʔhin a; India hmarchhak nghawng tham thu pawimawh tak tak pawh a ngaihtuah ʔhin.

Kum 2018-2020 chungah Council hruaitute :

President	:	Rev. Dr. Kathozelhou Keyho, Nagaland Baptist Church Council
Vice President	:	Rev. Dr. Laiu Fachhai, Evangelical Church of Maraland, Mizoram Rev. H.L. Marsing, Ri-Bhoi Presbyterian Church Synod, Meghalaya
Secretary (full-time)	:	Rev. Dr. Ramengliana, Manipur Presbyterian Church Synod
Treasurer	:	Rev. Dr. Brightstar Syiemlieh, KJP Synod Sepngi, Meghalaya

NEICC puala ʔawngʔai thupui tur chu:

1. Pathian leh kan mihringpuite leh thilsiam dangte nen inremna kan neih theih nan.
2. Kohhrante kan awmna khawtlangah inremna thu puangtu kan nih theih nan.
3. NEICC hruaitute, NEICC Youth Assembly hruaitute, NEICC Women Assembly hruaitute leh NEICC office-a thawkte.
4. NEICC-a tel kohhrante Pathian ram tana kan thawh ho zel theih nan leh inpumkhatna kan neih zel theih nan.
5. NEICC hma lakna - Union Christian College leh UCC Higher Secondary School te tan.

☐ “Khukri rama Kraws Thiltihtheihna” lekhhabu tlangzarh

Oct. 17, 2018 (Nilaini) chawhma dar 11 khan Mission Veng Kohhran Sunday School Hall-ah “**Khukri rama Kraws Thiltihtheihna**” lekhhabu thar, Rev. Lalrintluanga Ngente ziak chu Rev. B. Sangthanga, Executive Secretary i/c Mission, etc-in a tlangzarh.

Lekhhabu tlangzarh inkhawm hi Rev. Lalchhuanmawia'n a kaihruai a, Rev. Lalrintluanga Ngente-in inhmehhriattirna hun a hmang a, Pu Lallawmnakima Hmar-in lekhhabu thlirletna hun hmangin Rev. B. Sangthanga, Executive Secretary-in tlangzarhna hun a hmang a ni. Upa Lalhmingthanga Ngente-in lawmthu sawiin Rev. C. Lalramchhana'n malsawmnain inkhawm a ʔin a ni.

☐ MSSU

Oct. 18 - 21, 2018 chung hian Guwahati Bial leh Shillong Bialah te Sunday School zirtirtu training neih a ni dawn a, Upa Lalʔahluna Ralte leh Pu Lalthanchhunga, MSSU trainer, Bungkawng te an kal ang a, Pathianniah Bial chung Kohhranah hun an hmang nghal ang.

☐ SL&PB

Oct. 20 & 21, 2018 hian Lallen Bialah Literature Seminar neih a ni dawn a, Upa C. Lalbiaktluanga, Synod Office leh Campaigner Rev. Thangzauva te an kal ang a, Pathianniah Bial chung kohhran hrang hrangah hun an hmang nghal ang.

☐ Synod Social Front

Oct. 20 & 21, 2018 hian New Vervek Bial leh Ratu Bialten Ratu Kohhranah Political Education Seminar leh Campaign an nei dawn a, Pu R. Lalnuntluanga, Coordinator leh Campaigner-te - Rev. Dr. Lawmsanga leh Upa C.H Thangkuma te an kal ang a, Pathianniah Bial chung Kohhran hrang hrangah hun an hmang nghal ang.

☐ Worship Deptt.

Oct. 20 & 21, 2018 hian New Sangbar Bialah Khuangpu training neih a ni dawn a, Pu H. Lalrinmawia, Music Instructor a kal ang.

Contd..

☐ **Pastor Nupui Intawkhawm Vawi 40-na**

Vawiin (Oct. 18, 2017) hian Pi Zaii Hall, Synod Conference Centre-ah Presbyterian Kohhrana Pastor leh Pro. Pastor nupui Intawkhawm vawi 40-na neih a ni.

Chawhma hun hi dar 10:00-ah ÷an a ni a, Pi P.C. Rawnkaii w/o Rev. F. Lalrinnunga, Synod Moderator in a kaihruai a, Pi Saithangpuii w/o Rev. C. Satliana, Ramhlun Sport Complex-in hunserh a hman. Pi Lalroluahi w/o Rev. Lalramliana Pachuau, Senior Executive Secretary-in thupuanna hun hmang in hmelhriattirna hun a hman a, Sunna hun hman a ni bawk. Aizawl Theological College (ATC) a Pastor nupuite zaipawl ngaihthlak a ni. "Fanau enkawl leh Incheina" tih Pi B. Lalthlamuani w/o Rev. C. Rosiama, Mission Veng ziah leh "Pastor Nupui leh a nihna" tih Pi C. Januari w/o Rev. Dr. Vanlalhlana (L), Ramhlun ziah te zirho a ni.

Chawhnu lam hun chu dar 1:00-ah ÷an a ni a, Pi Lalroluahi w/o Rev. Lalramliana Pachuau, Senior Executive Secretary in a kaihruai a. Pi C. Lalneihkimi w/o Rev. C. Ronghinga, Zarkawt in hunserh a hman leh a, Pi Lalrammawii w/o Rev. Zosangliana Fanai, Synod Office zai ngaihthlak a ni a, item hrang hrang - Recitaion, Special item, Group zai, Debate leh Extempore speech hmang in intihhlina hun an hman a, zanriah an kilho nghal a ni.

Presbyterian Kohhran Pastor Nupuite hian kum tin intawkhawmna hun an hman ÷hin a, mithiamte ruaiin thuchah ngaihthlak bakah thupui thlan bik paper te an zirho ÷hin a, an pasalte rawngbawlna an ÷awiam theih dan tur leh Kohhran tana Nu nih tling an nih theihna tura theih tawpa hma la tura infuihna hun te hman a ni bawk ÷hin.

☐ **MTC**

♦ Short Course Missionary Training (6th Batch) Results tihchhuah a ni a, trainee ten ÷ha takin an pass vek a, a hniam ber pawh 'B-' ah a passed a, a ti ÷ha ber hian 'A' ah a passed a ni.

1st Position - Lalremruata Khawlhing

2nd Position - H. Lalmalsawma

3rd Position - Rualkimi

Best Trainee atan H. Lalmalsawma, Evangelist, Karbi Anglong thlan a ni bawk.

♦ Presbyterian Theological Institute (PTI), CHT Synod chuan Mobile Theological Course an neih mek tihhmasawn nan Mission zirna school/college din an tum a. Hemi chungchanga kan College zir Chiang turin Rev. Pauduateing Newme, Principal leh Rev. Somnath Upadhaya, Executive Secretary te chuan Oct. 4, 2018 khan Missionary Training College an tlawh a ni.

☐ **Praise On 2018 Round 2**

Oct. 16 - 18, 2018 chhung hian Synfo buatsaih Praise On 2018 Round 2 chu Mission Veng Kohhran Hall-ah neih a ni.

Intihsiak zan khatna hi zan dar 7-ah ÷an niin T.Upa Rochungnunga, General Secretary, Central KTP-in hunserh a hman a, intihsiakna neih zui nghal a ni. A zan khatnaah hian Band 13 an intihsiak a ni. A zan hniha hi Kohhran Inkhawm zan a nih avangin zan dar 8: 45-ah ÷an a ni a, Rev. P.C. Pachhunga, Synod Executive Secretary-in hunserh a hman zawhah band 6 an intihsiak leh a, zanin (Oct. 18) dar 6:45p.m hian intihsiak zan thumna neih leh a ni dawn a, Upa F. Lalfakzuala, Synfo Committee member-in hunserh a hman ang a, band 13 te an intihsiak leh ang. Second round Result hi Oct. 20, 2018 (Inrinni) zan dar 9-ah Hruaina Eng channel a ÷angin puan a ni ang. Round 2 intihsiaknaa tling band 10 (top ten) thlanchhuahte chu Nov. 6 - 8, 2018 chhungin an intihsiak leh ang a, Results puan leh lawmman sem chu Nov. 9, 2018 (Zirtawpni) zana neih tura ruahman a ni.

☐ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tuipuibari	Khawsak harsa	1	Rs. 6,000/-
2.	Chhingchhip Venghlun	Damlo	1	Rs. 8,000/-
3.	Ramhlun East	Damlo	2	Rs. 16,000/-
			TOTAL	Rs. 30,000/-

☐ **Hruaina Eng TV Programme**

Susamachar Prasaran Programme

♦ **OCTOBER 21, 2018 (Pathianni) 5:00 pm. :**

Group/Choir/Solo : Sihphir Masihi Sangati - Kruspar, Group/Choir/Solo : Chanmari West - Yesu Mere, Sermon : Rev Vanlalbela - Isu Jevan Data He, Group/Choir/Solo : Soni Lalnunsangi - Ashantima, Group/Choir/Solo : Hmingtea Tochwawng - A nugra ha kari

♦ **OCTOBER 21, 2018 (Tv Programme) @ 4:00 - 6:00, 8:00 - 9:00 p.m) :**

Weekly Round Up, Praise On 2018

☐ **Moderator Programme**

Oct. 21, 2018 Pathianni Chawhma

Dawrpui Kohhran

Dawrpui Bial

Oct. 21, 2018 Pathianni Zan

Khatla Kohhran

Khatla Bial